


Media Title : Sinar Harian
Headline : IOI Properties, Maybank tawar pembiayaan hijau 95+5 peratus
Date : 20 November 2024
Section : Bisnes
Page : 31



IOI Properties, Maybank tawar pembiayaan hijau 95+5 peratus

SHAH ALAM- IOI Properties Group Berhad (IOIPG) menjalinkan kerjasama strategik dengan Malayan Banking Berhad (Maybank) menawarkan pembiayaan perumahan 95 peratus + 5 peratus kepada pembeli rumah bagi projek kediaman hijau terpilih.

Ia selaras dengan dasar inisiatif kemampanan IOIPG bagi menggalakkan pendekatan pembangunan holistik yang menggunakan reka bentuk hijau dan cekap tenaga.

Ketua Jualan dan Pemasaran Kumpulan serta Penjenamaannya, Nicole Lee berkata, menerusi kempen tersebut, pengguna boleh menikmati pembiayaan sehingga 95 peratus dengan tambahan lima peratus insurans kredit, takaful, yuran guaman, penilaian selain duti setem dengan Maybank Green Home Financing.

"Kami gembira dapat bekerjasama dengan Maybank dalam menawarkan 95+5 peratus untuk rumah hijau terpilih di seluruh kediaman.

"Ini menangani keperluan pasaran dengan memenuhi permintaan kontemporari untuk rumah lestari yang dibina dengan mengambil kira keperluan generasi akan datang," katanya dalam satu kenyataan pada Isnin.

Turut hadir, Ketua Operasi Kumpulan Pegawai IOIPG, Teh Chin Guan dan Pengarah Maybank Selangor serta Negeri Sembilan, Abd Razak Kamardin.

Mengulas lanjut, menurut Nicole, kempen tersebut turut digunakan dalam industri har-

“

Menerusi kempen tersebut, pengguna boleh menikmati pembiayaan sehingga 95 peratus dengan tambahan lima peratus insurans kredit, takaful, yuran guaman, penilaian selain duti setem dengan Maybank Green Home Financing.”

- Nicole Lee

tanah selain diperakui oleh Indeks Bangunan Hijau (GBI) dalam reka bentuk tenaga dan alam sekitar (LEED).

Tambah beliau, setiap pemohon perlu mematuhi syarat kelayakan Maybank termasuk bekerja di syarikat atau organisasi yang sudah beroperasi sekurang-kurangnya tiga tahun.

"Ini menunjukkan usaha berterusan IOIPG terhadap pembangunan mampan dan menghasilkan iklim rumah berdaya tahan dengan jejak karbon yang lebih rendah.

"Ia juga menandakan usaha terkini untuk menggalakkan pengurangan pelepasan GHG dan meningkatkan kecekapan sumber serta pengurusan sisa yang berkesan," ujarinya.



Chin Guan (kiri) bersama Abd Razak pada majlis memeterai kerjasama strategik antara IOI Properties Group Berhad (IOIPG) dan Malayan Banking Berhad (Maybank).